

DA BI BLIŽI ČLAN PORODICE DOBIO NOVAC, IZAŠLI NA IZBORE I SLIKALI GLASAČKE LISTIĆE

Kad stranka uđe u porodicu

Gradanka (29) navodi kako je pred Opće izbore 2022. godine bilo primorana da glasa kako ne želi. Međutim, navodi da na nju nisu vršili pritisak stranački aktivisti, ili sama stranka, već bliži član porodice, odnosno brat njenog muža. Uprkos ravnodušnosti nje i njenog supruga prema politici, dovedeni su u situaciju u kojoj su se ispreplele porodične veze, finansijski interesi i angažman muževljevog brata u stranci.

Stalno nagovaranje na glasanje

Gradanka otkriva da je njen zet bio neumoljiv u potrazi za podrškom određenom kandidatu na izborima. Na početku je nastojao prikupiti glasove sa obećanjima da će u njihovoj lokalnoj zajednici biti urađena rasvjeta ukoliko glasaju kako im on nalaže. Uporno insistiranje na glasanje je i nju i njenog supruga dovelo u neugodnu situaciju da nisu znali kako da se ophode prema bližem članu svoje porodice.

Brat od muža nagrađen parama za svaki prikupljeni glas

Saznali su ipak da motiv brata njenog muža nije samo unapređenje lokalne zajednice. On je dobijao novac za svaki prikupljeni glas na nadolazećim izborima, zbog čega i nije čudno da je vršio toliko pritisak na glasanje, kako u svojoj porodici, tako i u komšiluku.

Ipak je bivao nagrađenim za svaki prikupljeni glas.

Dokazi za suprugovog brata - označen i fotografisan glasački listić

Nezainteresovanost za izbore u kombinaciji sa stalnim nagovaranjem na glasanje, dovelo je i nju i supruga da glasaju onako kako im je rečeno. Na dan izbora, muževljev brat im je dao papir na kojem su naglašeni stranka i kandidat za koga trebaju glasati. Također, da bi ispunili svoju dužnost prema bratu, na glasačkom listiću su na dan izbora označili malo slovo 'k' u gornjem desnom uglu kao potvrdu o 'ispravnom' glasanju. Kao da to nije bilo dovoljno, trebali su i uslikati glasačke listiće i fotografije proslijediti bratu od njenog supruga.

Slavljenje uspjeha

Nakon što je završen izborni dan, njen zet je ponosno pokazao fotografije glasačkih listića kao dokaze o uspjehu njegova kampanje da se glasa kako je ljudima rečeno koje će potom dostaviti stranci.